

夔州府志

第七冊

卷之七

鎮營
武功
忠義
隱逸
貶封
寺觀

武畧
孝友
貞節
僑寓
僊釋
塋墓

夔州府志卷之七



鎮營

國家可以百年不用不可一日不備者兵制是也
易稱長子元戎張撻伐之威詩詠干城貔虎壯金
湯之勢弧矢之利所以威天下也夔界在荆梁咽
喉重地安營置汛防衛宜先權其險易而輕重布
之指臂一體上下一心士飽馬騰民生安堵矣作

鎮營志

鎮營

夔州府志

卷之七

夔州協

原係重夔鎮自吳逆變
亂後康熙十九年改設

副將一員

馬良柱陝西甘州府張掖縣人行伍侍衛

左營都司一員

原係守備雍正
九年改設都司

張淵福建泉州府晉江縣人行伍

千總一員

張仁四川成都府成都縣人行伍

王之漢陝西西安府長安縣人行伍

把總四員

魏子涵陝西漢中府洋縣人行伍

冉奇珍四川夔州府奉節縣人行伍

雷國祥陝西西安府三原縣人行伍

毛錦章四川夔州府奉節縣人行伍

右營守備一員

任文芳陝西鞏昌府秦州人行伍

千總一員

鎮營

夔州府志 卷之七

張龍仙四川夔州府奉節縣人行伍

黎丙良四川夔州府奉節縣人行伍

把總四員

雷子釧陝西寧夏府靈州人巴酉武舉

任友四川重慶府巴縣人行伍

高含倫陝西西安府長安縣人行伍功加

田秀自四川夔州府巫山縣人行伍

巫山營都司一員

原係遊擊一員守備一員乾隆九年內遊擊調換阜和營將守備改

設都司

張雲廣東肇慶府高要縣人行伍

千總一員

許舟牧陝西寧夏府寧夏縣人壬子武舉

把總一員

王世龍陝西西安府咸陽縣人行伍

梁萬營都司一員

原係守備雍正九年改設都司

常瑚湖南常德府武陵縣人行伍

夔州府志 卷之七

鎮營

三

把總一員

白文炳四川重慶府巴縣人行伍

夔州協左右營馬步戰守兵丁共一千一百七十名

內馬戰兵一百二十名步戰兵四百七十名守

兵五百八十名

巫山營馬步戰守兵丁共三百二十名內馬戰兵

十五名步戰兵一百一十六名守兵一百七十

九名

梁萬營馬步戰守兵丁共二百五十名內馬戰兵二十名步戰兵四十六名守兵一百八十四名
四營共兵一千七百五十名

武畧

自昔文以致治武以戡亂武之並重於文也久矣
夔自三國以來經濟之才固自不之而折衝之能
亦多時有或智慮絕倫深謀遠疇於江海或英勇
善戰逸氣直走乎風雷凡有可採例得紀載作武

夔州府志

卷之七

武畧

四

畧志

三國

甘 寧萬縣人仕吳嘗說孫權先取黃祖鼓行而
據楚關可漸窺巴蜀權納其謀以為折衝將軍輕
財尚義勇冠三軍時號虎臣

一統志作巴郡臨江人

梁

徐世譜魚復人事見人物

後唐

張 武石照人仕王建為破浪都頭大破高季興
於夔以立功陞鎮武軍節度使武嘗作鐵經絕江
中流立柵於兩端謂之鎖峽云

宋

龍景昭奉節縣人事見人物

宗 晏奉節縣人事見人物

明

魯 顯開縣人膂力倍數人機智敏捷時鄆監賊

夔州府志 卷之七

武畧 五

叛顯李眾禦之身先士卒屢破賊鋒擒獲首惡巡
按保奏世襲重慶衛中所千戶

李 清開縣人事見忠義

于繼勳瞿唐人少孤事母至孝及長身長七尺鷲

勇絕人嘗治春秋于凡英烈傳紀効新書俱手自

校錄通達時務曉暢兵機自結髮從戎為郡守許

公宗鑑郭公業所賞識黃忠汪二之亂二公先後

召居帳下如左右臂暑刻不離每遇土酋相攻輒

遣以慰拊之莫不憚其威容凜凜奉命萬曆己巳
乙酉大中丞曾公駱公直指使郝公交檄調征九
繇城松潘等處斬獲甚衆丙申中以功陞柳桂守
備徭寇望風遠遁邊境遂安釐弊甦軍所部伐石
紀焉播酋負阻擢鄖陽行都司僉書移鎮偏橋以
防衝突勲圖上方畧司馬郭公手札褒答湖北一
帶倚爲長城事平引疾乞歸杜門訓子欽賞金帛
追送其家所著有軍政條約行於楚

夔州府志 卷之七

武畧 六

皇清

吳第選萬縣人賦性耿直少有武畧膂力過人効
力行間習嫻戎事於順治中擢爲正白旗頭等下
蒙恩頒有誥勅載馳封內

魏國珍字君錫萬縣人先是順治初年王師入蜀
蜀之西北雖入版圖而自南徂東尚多遺孽珍
蜀將會英余大海李占春等與餘寇禦敵於渝
之間後隨李占春等歸誠

本朝任山西偏關叅將

傅爾學字濟初萬縣人任楚標中營副總兵先是甲申流寇入川爾學同蜀守將曾英李占春余大海等造戰艦千艘禦敵於渝江爲蜀東保障時下東蹂躪百里無煙人且相食爾學卽放舟東下捐貲賑濟全活甚衆

陳祚昌字列琦萬縣人先是流寇姚黃入川勢甚猖獗幸士兵保護鄉里禦賊於南岸後率身歸誠

夔州府志

卷之七

武畧七

任楚督標左營遊戎隨師進剿滇黔有功陞陝西提標中營叅戎

陳此學字恩甫萬縣人久歷行間辛酉隨楚師進剿川東有功陞太平營都司僉書

范應元開縣人由武功歷任浙江督標左都督管中軍副將事

安躍拔山東聊城人字文華由丙午順天武舉劾力兵部歷授湖北歸彝鎮守備康熙十九年賊將

譚弘復叛公隨提督徐治都攻打雲陽憑河奪賊
龍驤於雙虎石身矢先登呼撼山谷遂擒偽總兵
向旭暉偽副將汪文省偽千總張虎等十八人後
累擢廣東潮州總兵卒祀鄉賢有傳

武功

三百里揆文教 一百里奮武衛禹貢之重武功也
千古為昭矣夔地背山面水恃險負固者易於盤
據故全川當底定之初而下東一隅黔黎猶然未

夔州府志

卷之七

武畧八

靜其間運幃幄之謀膺膚功之奏矯矯虎臣實
我夔者其姓氏歷歷可指也作武功志

蜀自甲申流寇張獻忠蹂躪殺戮之慘幾無孑類

順治初年

朝命肅王貝子率滿洲精銳直抵成都射殺之川之亂
北已入版圖而遺孽偽國公袁宗第劉體純馬重
禧塔天寶賀珍李來亨郝搖旗等號十二家無
夔巫昌寧一帶肆行擄掠楚蜀江道阻絕不通

經二十年時川陝總督李國英以全川底定而夔東一隅黔黎尚罹水火遂特疏爲身先殺賊等事朝廷允其請發秦楚蜀三省兵馬進剿之大兵抵其巢穴李來亨劉體純自殺陣獲袁宗第郝搖旗等梟其首懸之國門下東平振旅

順治十六年蜀之西南北及上川東之重慶府俱經蕩平惟下川東之夔州府尚有萬縣譚弘負固未服時川陝總督李國英秉鉞渝城據夔上流弘

夔州府志

卷之七

武功九

知勢不能支欲赴渝投誠時有僞涪侯譚文同據天城恃險抗拒弘忌之遂殺文赴渝獻土投誠而文賊將陳貴榮高鶴鳴張現采及僞參軍王文綿等據驛子城抗逆者復踰一年總督李國英復請於

朝命重夔鎮總兵程廷俊建昌鎮總兵王明德督標中軍副將梁加琦共率兵討之四面攻圍直經二年破之王文綿自殺陣獲陳貴榮高鶴鳴張現采梟

其首懸之藁街下東平振旅

夔城背山面水東則有瞿唐峽口之險白帝紫陽之固南則有崇山幽箐以爲右藩西則有全省雄鎮虎視上流有事則放舟東下如決千仞之谿朝發而夕至也甲寅吳逆稱亂遣僞總督王公良率僞將軍王鳳岐劉之衛等盤據於此逆我顏行者數年

朝命四川總督楊茂勳率師由楚道逆流而上破巫山

夔州府志

卷之七

武功

十

隨風直進不二日竟抵夔城兵不血刃羣逆鼠竄遁去此庚申年二月事也

夔東地方底定至甲寅吳二桂造逆滇黔而譚弘

以

本朝慕義侯之爵膺鎮川北而附和之加以將軍國公等僞號隨賊兵犯漢中潰敗歸萬窟據天城

皇上不忍加誅隨命原任花馬池副將譚大叙齎

璽書招降之庚申之春川督楊茂勳楚提徐治都率師

克夔城而弘始降是年秋弘復叛而夔屬州縣悉
爲所據楚提徐治都將軍噶爾漢復統大師水陸
並進屯兵雲陽守備安文華冒矢先登而弘始亡
既克雲陽弘子僞將軍譚天秘遂率眷口並親丁
燒寨夜遁大兵隨跡追之天秘遂入太平縣桃花
洞鬼蠻子寨送僞將軍邱於寨頭川督哈達官招
降之天秘遂降械送

京師誅之大兵抵萬時隨扈弘死裂葉水濱貶辛酉

夔州府志

卷之七

武功十一

正月事也其安輯地方招徠流遺大小頗表悉見
蕩平川東碑記至僞總兵胥世秀於康熙二十二年
始成擒逆孽悉平

良將固多奏捷之功而女官亦有効忠之能先是
崇禎二年有倉崇明之變石砭土司女官秦良玉
破賊於重慶南坪關兩奉綸褒一時鮮出其右云

孝友

愛親敬長爲不學不慮之良悖典庸禮乃人綱人

紀之重故詩稱張仲書美君陳無非所以正人心
維風俗者也夔郡僻處西南沐浴

聖朝之化者久矣凡茲黎庶莫不共安入孝出弟之
常紀其姓氏俾與往代之孝子悌弟並傳焉作孝

友志

宋

王相萬縣學生家貧力學父病篤額天乞代割
股以進父疾以愈人稱其孝

夔州府志

卷之七

孝友 十二

王文義大寧人景德中母病篤割股和藥疾愈及
母卒廬墓鄉人憫其貧日給之食墮去水遠無以滌
祭器後廬側忽湧甘泉人稱孝感泉事聞賜以衣

帛

明

王子浩雲陽人事親竭力居喪哀毀廬墓有烏雀
羣繞之祥

李維屏奉節人以庠生入監幼遭母喪哀毀過度

事父及繼母甚孝與弟相友愛白首無間言

金耀彩奉節人甫五齡父母相繼歿朝暮哀痛如成人伯母張氏孀居無嗣憐而撫育之年十四以世及典襲職千夫長所得俸悉市甘毳奉張夫婦衣粗茹淡處之怡然

孫天澤奉節人父爲郡諸生早卒家貧棄儒習醫獨持門戶俾弟專意嚮學列名醫序

王一驥字少賓巫山歲貢生萬曆間授廣文奉母

夔州府志

卷之七

孝友

十三

之任朝夕不離母年九十有八邑人莫不仰其德

壽云

譚國經雲陽人爲童時母病氣絕國經割股煎湯以進母遂復生

何仲才雲陽人性孝敬家素貧母老無齒因饋於人得雞子以養久而不衰人嘉其孝

傅之元萬縣生員年甫十一母病篤元割股以進母疾愈

鄧 璜萬縣諸生素以孝聞母生毒瘡垂危生跪床前誦經額告恍惚中見有鬼吮瘡而愈

冉 衢巫山增廣生員因父希堯病篤割股衢年二十二歲病故其妻楊氏守節十年亦病故崇禎十一年縣令劉嘉增詳請旌獎扁曰節孝之門

汪 霖字說之開縣人少鄉汪瀚從孫爲邑弟子員素以孝聞母唐氏病篤霖嘗糞驗病母卒痛自哀毀殯葬盡禮人稱其孝

夔州府志

卷之七

孝友 十四

汪 果開縣人汪安宅之子性淳謹事母至孝母年八十餘患筋骨痛卧床十日弗起果日夜憂念夢一道士曰爾母血衰須親子乳血和當歸地黃爲丸服之可愈果驚醒自喜遂先割左乳得血半盞付弟术如夢爲丸奉母服之筋骨和暢前病頓痊果乳亦平復如故鄉人咸稱爲汪孝子

徐 一陽開縣廩生幼貧事母至孝親操井曰後家稍裕晨昏定省甘旨惟其所適母死廬墓二載學

博行憂撫按題其扁曰孝子之門

向秋元巫山生員性資淳篤事父母極孝父病十
二年供奉湯藥不以貧少懈妻卒以父母病不再
娶後父母相繼卒哭血盡哀旣痊廬於墓側一年
何應龍巫山生員嘉靖十二年因父何丘陵在京
候選被盜中傷而死應龍赴闕陳情奉旨還父本
職扶觀回城仍賜扁旌獎

黃吉雲陽人母病將死吉割股以進母疾愈

夔州府志

卷之七

孝友 十五

蕭治國大昌人母病危急治國割股以進得愈崇
禎十年知縣陳靖之以聞賜扁旌獎

涂氏大昌人庠生鄭可受妻姑陳氏病危氏割
股以進姑疾愈知縣程正典申詳旌獎

汪貞孝女開縣人汪安宅宅季女事父母甚孝父將
許聘女曰父年暮矣女願依父母以老父母察其
志決從之安意孝養老於閨中獨處一室凜然貞
潔待果木一弟友愛卒年八十有五人以貞孝女

稱之

劉永富大昌人弟永昌牽連人命兄弟九人爭變
產救之願以身代太守以待鬼爲非治罪諸凡受
刑不怨惟訴稱守法良民不忍弟之遭此也太守
拘詢鄉里俱言永富弟兄十人素性孝友不敢爲
非太守得實乃申辯云爲弟難而受刑變已產而
無怨釋歸里獎以尚義之族

簡 卓巫山人年二十值歲凶荒人民相食斗米

夔州府志

卷之七

孝友十六

十餘金卓妻子俱餓死遂同兄簡可覓食歸州度
其勢不能俱全將銀四十兩付兄簡可託言他遊
遂投江而死

左 斗居巫南鄉雲夢山其家爲洞蠻所劫失父

所在終日號泣虔禱於神一夕夢一青衣云閻羅
相請寤後覺精神疲困以告家人云我且死當還
毋遽殯殮遂端坐而逝至閻羅殿下行禮閻羅相
立曰左大尹至矣命將前事帶審其父在焉審畢

始知蠻賊截去父舌棄屍巖中門羅令將尋送歸
遂甦因得父屍以葬後果以嘉靖恩貢任湖廣龍
陽縣令年老致仕

國朝

趙其昌萬縣康熙丁酉科舉人父應虎覆舟溺江
昌沿流哀毀得屍禮葬廬墓三年

傅朝舉萬縣人事繼母王氏同嫡潔脩髓供甘旨
寢食俱廢親築墳塋獨居三載乾隆五年建坊旌

夔州府志

卷之七

孝友 十七

表

李東暘父名大芳江西人明末以兵部主事謫達
州牧東暘生母陳氏早喪繼母馬氏因父去官無
力回籍遂家於夔暘生事死葬無異於嫡暘素性
謙恭不失禮於二尺之童以醫爲業不拘貧富無
不盡心壽八十二歲而終長子英孫秉元俱列奉

庠

李 珍郎監生李正奉節人年十二母疾篤旦夕

焚香祈以身代割股以進母疾遂愈現載省志後
又有夔協把總包三級於康熙三十年在陝西寶
雞縣借王世理銀一百四十二兩六錢未還包三
級回夔年至八十身病不起私於楊前將銀附珍
轉還越數年王姓不至携銀呈貯縣庫關王世理
到縣如數交還不負所托縣令蔣扁其門曰信義
昭然

忠義

夔州府志

卷之七

孝友

十八

昔孔子有殺身成仁之訓孟子有舍生取義之箴
先儒釋之曰只是成就一個是字而已夔郡僻處
蜀東其列在仕途慷慨從容大節不奪者固自不
之而鄉閭之士正倫持紀慕義強仁其英風烈概
亦往往而有當命書之以垂不朽作忠義志

五代

高彥儔爲夔州守將劉光義攻夔州彥儔閉牙城
拒守判官羅濟勸其走彥儔曰吾昔不能守秦川

今又奔北雖人主不殺我我何面目見蜀人乎又
勸其降彥儔亦不許乃自焚死

宋

秦傳序淳化中為夔州巡檢司賊李順犯夔州傳
序督士卒晝夜拒賊城破乏食傳序盡出已費市
酒肉以犒軍士衆感泣拒戰城陷投火而死
上官夔宋末為萬縣守將時元兵圍城夔守禦甚
力元招之降不從城陷夔巷戰而死

夔州府志

卷之七

忠義
十九

楊壽孫雲安軍主簿元兵至清江縣壽孫與將官
何唐安惟臣田廣澤多坤等連戰二日俱死之
韓明開縣首將元兵破開縣軍潰敗明父子猶
率部兵巷戰力屈被執死之

明

青文勝大寧人事見人物

黃從禮巫山人事見人物

唐 儉雲陽人成化十九年有雲陽會試舉人周

欽李林劉斗邱鑑柴伸柴奉並指揮二人覆舟僅
以身免儉各具衣一襲銀十兩爲治裝赴京其好
義如此

王 禎成化中任夔州府通判時流賊寇巫山禎
率兵攻之追至大昌馬陷泥中爲賊所害事聞贈
夔州府同知立褒恤祠以祀之

杜 斌大寧人事見人物

向孔洙大寧人事見人物

夔州府志

卷之七

忠義

二十

李 清開縣人正德中流賊壓境委守險隘賊間
出黃土壩清知其狀要擊斬之事聞授武寧巡檢
司

陳秉元開縣人正德七年鄆藍爲亂揚言欲奪臨
江市秉元倡率義兵二十有奇追至富順三母灘
奮勇當鋒賊衆辟易援兵不繼力戰死之鄉人義
而祀之

高日臨江西鄱陽人貢生崇禎五年任大寧令蒞

任三載多惠政崇禎七年春流賊犯境日臨以孤軍拒險禦賊被執不屈罵甚厲賊寸磔之遂與官舍同燼

鄧天祿萬縣人明末爲太平戍守把總與覃璞共守城楊東廕陷太平覃璞被執賊欲降之不屈賊磔璞天祿奮拳擊賊賊怒並磔之

羅維先萬縣人明末戍守太平楊賊陷城維先家東門事危急手刃妻子驅家人閉於一室縱火焚

夔州府志

卷之七

忠義

二十一

屋躍入火中舉家俱死

吳獻棐萬縣貢生獻賊入城被執強以爲參軍不受賊怒令斷臂解脫而死子之英亦被磔

向書開縣人赴京渡黃河拾一囊內有巫山舉人一對咨文銀兩因前追鞠告之鞠泣曰吾但得文引失金二百兩悉以之相酬書竟盡數歸之

孫天澤奉節人有里人陳朝益因事鬻子天澤憫其悲啼脫婦簪珥以贖又王明偶以納賦遺金

河天澤救歸如數予之歲饑疫設粥食餓者全活甚衆又瘞流殍數百家萬曆二十七年兩院額其門曰躬奉天經

羅傑大昌人明末賊亂鄉人告以往避傑云此處卽避兵所正衣冠坐中堂列書史以待賊至傑正色辱罵遇害

蔣應奎開縣人由貢生任西鄉縣訓導奎弟早亡遺三幼侄勅勸勃皆奎撫養成立備禮婚配凡祖

夔州府志

卷之七

忠義

二十二

遺田屋隣侄無父而盡讓與之另置業以安已子士君子深服其義

謝晟開縣臨江下里人幼讀書補邑庠生以老母終養不干名利每年積穀遇荒歲凡有饑寒者卽行周恤閭里莫不感慕

李寄開縣臨江上里人宅旁有河洞高一丈八尺寄兄涉河上流爲湧水衝倒寄聞往救入河兩弟兄相抱知勢不可支厲聲呼曰吾弟兄同死矣

須臾衝流洞下後獲屍沙中弟兄猶然挽抱邑令
以事報憲旌曰舍生取義命旌其兄曰愛能感弟
汪安宅開縣人事見人物

徐 沔開縣臨江下里人爲邑吏時賊叛邑令奉
理戎事獲餘黨四十人應誅沔請曰賊黨恐多脅
從乞詳之令曰軍興旁午何及沔曰豈可惜片晷
而枉數十人性命乎請再鞫果止真賊八人餘皆
脅從俱釋去衆步拜泣歸

雷萬春巫山人張巡之將也肅宗時尹子奇寇睢
陽萬春向中六矢而不動衆驚以爲神後城陷死
相傳爲陽臺土主云

李維屏奉節人以庠生入監性寬仁好施祖有遺
產計止二百餘金見從父夢雷者稱謂卽推子之
舍旁地亦捐創海會寺不爲吝居閒集古方書帶
藥物脩合濟人掩骼埋瘞殆無虛日萬曆四十七
年兩院交檄崇獎閭左同聲稱快焉

陳 三生員陳訐謨之僕也明末遭劉一虎之亂
全家被擄賊營陳生夫婦相繼而亡遺一子熒獨
陳二恐罹賊害遂棄己子竊負幼主而逃極盡鞠
育之勤撫養成立九起居應對仍安主僕之分闔
邑公舉有優免旌獎

國朝

楊春芳萬縣人由行伍歷官都督同知管浙江溫
州城守副將康熙十四年耿逆犯溫州春芳死之

夔州府志

卷之七

忠義
二十四

奉

旨優卹

賜祭葬

薛人鳳浙江人由湖廣彝陵州同康熙十九年陞
夔州府通判七月解軍餉赴渝州道經萬縣適遭
吳逆賊將譚弘叛率兵劫之於七里溝縛至天城
山以僞官誘降人鳳曰吾今日止有一死耳斷不
汝從也賊怒礮刃於頸奮罵愈烈死之

貞節

禮重從一詩美栢舟蓋嚴氣正性秉之自天故常
變死生不二其志寧爲金堅毋爲石轉寧爲玉碎
毋爲瓦全是勵水霜之勁操而立人道之綱維者
也自古節婦與忠臣並重貞女與孝子齊芳急宜
表揚遺休彤管作貞節志

明

楊氏瞿唐衛千戶楊武女適千戶劉本天順丁丑

蕪州府志

卷之七

貞節

二十五

本以從征清浪陣亡楊年十八生一子誓不再適
閨門清肅婦範克端未幾姑捐世喪葬盡禮教子
有成襲補父職成化丙午旌表其門七十終

黎氏雲陽人王存輝妻夫早歿氏守志事舅姑撫
遺腹子苦節四十五年成化間旌表

黎氏雲陽人年十九適王曾擘生子軫甫一歲擘
卒黎屏斥膏沐親操井臼養舅姑撫幼子誓不他
適孀居四十五年成化二十三年旌表

多了

遣以慰拊之莫不憚其威容凜凜奉命萬曆己巳
乙酉大中丞曾公駱公直指使郝公交檄調征九
繇城松潘等處斬獲甚衆丙申中以功陞柳桂守
備徃寇望風遠遁邊境遂安釐弊甦軍所部伐石
紀焉播酋負阻擢邯陽行都司僉書移鎮偏橋以
防衝突勲圖上方畧司馬郭公手札褒答湖北一
帶倚爲長城事平引疾乞歸杜門訓子欽賞金帛
追送其家所著有軍政條約行於楚

夔州府志 卷之七

武畧六

皇清

吳鎔選萬縣人賦性耿直少有武畧膂力過人効
力行間習嫻戎事於順治中擢爲正白旗頭等下
蒙恩頒有誥勅載馳封內

魏國珍字君錫萬縣人先是順治初年王師入蜀
蜀之西北雖入版圖而自南徂東尚多遺孽珍與
蜀將曾英余大海李占春等與餘寇禦敵於渝涪
之間後隨李占春等歸誠

趙命有司勅支官銀監烈女碑表其墓

曹氏瞿唐衛指揮方天祿妻年二十六天祿領軍
戍守柳州道卒訃聞曹卽斷髮自誓孀居六十餘
年萬曆三十八年建坊旌表

任氏瞿唐衛指揮任忠女適曹鸚鵡卒任年二十
撫孤守節至六十六終

華氏瞿唐衛左所陳佐妻佐卒華年二十一夫家
世儒姑亦孀居不勝其貧父兄勸以再適華曰吾

夫既亡吾姑無恃若背而去之是禽獸也斷髮自
誓不易初志

曾氏奉節人曾守清之女適瞿唐衛總旗王瑜瑜
卒曾年二十撫孤守節卒年七十有二

方氏奉節人向雲漢妻產自宦族向雖先世業儒
而家計蕭疎一切奩具悉燬易以佐朝夕亡何夫
捐館舍年甫一十八歲爲之呼天泣血不欲生者
以之時姑老子幼日以女紅上奉滫瀡而下以誨

其子甚劬六十餘年大中丞饒公直指使吳公
使者杜公交檄獎之以旌其門

譚氏奉節人譚有齡之女萬民化妻化卒譚年十
七守節閉戶課子戚屬少見其面郡縣表其門曰
芳節凌寒

張氏奉節人生員金邦賢妻賢卒張年十九無子
撫侄爲嗣翁姑垂老日勤拮据之力以佐甘旨足
不踰閫者六十年上官屢旌其門

夔州府志

卷之七

貞節 二十八

胡氏巫山人向文質妻夫亡婦年十八貞潔自守
甘貧事姑生一子隨亦繼亡誓不再適永樂辛巳年
旌表

晏氏大昌人聶子傑之妻同妾侯氏年俱二十七
苦節矢志撫孤愈稱完節

曾氏巫山人向瓊妻年二十一夫亡遺幼子雲鶴
曾撫孤守節備歷艱辛

袁氏巫山人向雲鶴妻年十八夫亡遺子吳方

祿姑憫其少欲令更適袁誓死靡他與姑同節歷三十年縣令旌曰一門雙節

向氏巫山人張獻臣妻孕三月夫亡後生子光祖撫育成立守節四十一年後奉旌表

馮氏巫山人庠生向豫誠妻夫亡馮撫遺腹子大學成立守節終身後旌表

黃氏巫山人江儀妻儀溺於江氏聞之泣奔溺所投水死越二日抱夫屍浮於水向人咸稱異焉事

夔州府志

卷之七

貞節

二十九

聞旌表

楊氏巫山人楊深女庠生羅英妻年二十六夫卒子尚幼立志守節訓子嚴肅年七十五終後旌表

宦氏巫山人冉天恩妻年二十夫亡始令再醮氏誓死不從守節七十一歲而終後奉旌表

魏氏巫山人庠生黃瑛妻年二十夫故守節二十餘年至辛卯歲劉二虎寇巫氏子煥被驅入營氏遂自縊於夫之墓側

龔氏萬縣人幼適傅承爵閱二年夫故家貧守節
父文試憐其少令他適氏知大節難虧父命又不
可違遂自縊而死崇禎十年本縣令田旌表之令
刻其墓碑曰龔氏者年最少烈志堪風夫死爲父
另嫁不從從容就縊苦衷正氣真淑媛之共妻也
允宜旌表明彰闔化云

侯氏巫山人庠生黃甲開之妻明末流寇入境氏
被執罵賊不屈而死

夔州府志

卷之七

貞節

三十

王氏巫山人陳大位妻年二十三夫死守節撫
子成立值流賊破寨義不受辱携媳王氏及孫男
孫女俱投巖死

陳氏巫山人馬猶龍妻明末夫遠出遇荒亂陳孤
苦自持侄馬華計賺至家陰許賊將惠養廉爲妾
令人誑迺之氏料不可脫欣然而往給養廉先寢
托故出反扣其門自縊死

張氏巫山人士魁女何奇妻值兵變爲賊所執欲

得之不屈然

張氏原山人庠生張國忠之劉養氣妻幼通文藝
夫亡有欲奪其節者氏乃置酒澗邀賊眷辭之凡
三日畢閉戶自縊懷一帖於胸云幸嫁豪俠之夫
宜作連枝之鬼近顧養氣而思義逢瞻神女以無
難眾咸敬之以夫婦同穴而葬

譚氏大昌人庠生劉大同妻明末避兵山中流賊
破恭氏不受辱投巖而死

襄州

志

卷之七

貞節

三十一

劉氏大昌人庠生方日旭妻明末流賊執之義不
受辱罵賊而死

隆氏萬縣人冉應海妻生子未彌月夫卒誓不再
嫁孝姑無子正德間旌表

陳氏萬縣人庠生向東妻年二十一夫亡陳守節
撫子婚娶子尋卒遺腹生孫甫一歲其媳又卒氏
青孫成立苦節清操邑令陳敏貫表其節

解氏萬縣人傅萬榮妻年二十三夫卒守節歷年

六十一終

張氏萬縣人向東洋妻年二十一洋卒張守節誨子無異志子長入庠鄉里嘉之縣令表其門曰貞節

崔氏萬縣人進士崔尚勳女適庠生沈逾越五年生一子夫卒遂剪髮自誓教子遊泮縣令旌其門曰苦節可風後天啟丁卯舉人南京戶部陝西司郎中沈鴻儒郎其孫也

夔州府志

卷之七

貞節

三十一

萬氏萬縣人陳常妻譚賊破城被執氏知不免給以夫有金藏巖畔賊取之氏墜巖死

向氏萬縣人陳順妻姚黃賊渡江氏夫營一巖洞避之賊破洞殺其夫氏携二子墜巖而死

汪氏開縣人適生員熊飛生二子年二十有八飛卒汪撫孤守節誓不再適邑人賢之

陳氏開縣人年十八適周倫倫卒陳年二十有四子禮年三歲孀居端潔養姑克孝教子讀書後人

邑庠由貢任瑞昌府儒學訓導因思母老無依遂乞歸養陳年八十有七而終

陳氏開縣人甘全妻年十七夫歿陳卽長齋誓不他適家最貧舅姑欲奪其志陳不得已應之假以歸寧投水溺死及得屍佛珠猶在項下合掌跣趺端然而逝遠近聞之莫不欷歔

姚氏開縣臨江下里人適游治治卒姚年二十撫子文選及長補弟子員應崇禎二年貢天啟二年

夔州府志

卷之七

貞節

三十三

通庠舉節按院批云教子克追孟母守節無媿其姜歲給粟帛年八十卒

鄭氏開縣人向潘妻夫卒氏年十九鞠一子中魁甫二歲氏持身以正治家惟勤教子業儒年八十乃卒人敬慕之通庠舉其節兩臺批曰青年守節白首令終可會良人於地下矣

何氏開縣人秦昂妻昂卒何年二十八矢志守節子翰才甫二歲族人欲滅孤利產逼嫁之何誓死

無一養姑撫子弱冠八庠何將終戒子曰我教汝
艱辛汝當勉進聞者感惜

向氏巫山人適陳大時年二十大時卒子幼舅姑
俱老紡績甘淡泊孀居三十五年邑令劉昇扁曰
寒閨勁節

向氏巫山人何言妻永曆壬辰劉一虎攻圍倉洞
寨破向氏負幼子跳巖而死邑令蕭來鳳有獎
張氏巫山人郎何烈婦有傳見藝文

夔州府志

卷之七

貞節

三十四

國朝

段氏奉節人庠生劉贊元妻年二十一夫卒無子
時翁姑叔姪相繼歿氏以一身竭力營葬備極艱
辛歷三十餘載撫侄燦繼嗣後膺歲薦任內江縣
訓導建坊旌表

龔氏奉節人龔旺女袁國相妻國相病故氏年二
十撫一孤歷四十年足不踰閩人以賢節稱之建
坊旌表

袁氏奉節人庠生朱之瑞妻事舅姑孝夫卒守節
三十六年撫二子俱已成立建坊旌表

陳氏奉節人王遜之妻年二十九孀居遭兵燹事
姑克謹撫子治亭後爲晉安守備建坊旌表

沈氏奉節人陸永禎妻夫亡氏甘貧守志終身不
改建坊旌表

李氏雲陽人劉世祿妻有楚民李周士乘其夫外
出欲行強汚氏厲聲叱出周士旋復來氏持刀相

夔州府志

卷之七

貞節

三十五

拒周士奪刀刺氏喉死雍正九年旌表

譚氏萬縣人宋雲得妻得亡氏守節八載淡泊自
甘冰霜矢志有宋誠者窺氏室無人欲強汚之氏
大罵堅拒誠以斧劈氏頭顱死建坊旌表

劉氏萬縣人姜榮吉妻賦性幽閑持身清潔有向
一昇者乘醉突入執氏欲汚之氏大罵不從奮力
抓其面一昇因火其居氏同一子二女俱焚死後
奉旌表

聞氏夔協守備聞昌女本江南通州人幼許字溧陽縣宋亦郊年十七亦郊亡女以翁姑無子奉喪孝養歷八年翁姑相繼歿後歸其父入川及父母俱故弟姪貧乏流落夔州艱辛萬壯至死不渝其操太守胡期恒扁曰鶴髮童身八十二歲而終建坊旌表

趙氏奉節人弘之女杜葵妻夫亡氏年二十九子幼翁姑老氏守節三十八載以孝慈著府縣旌其

夔州府志

卷之七

貞節

三十六

門曰節光閭閻

周氏奉節人軍士周奇女李鵬妻年二十八夫歿遺子上死甚幼無親族且貧氏守節撫孤苦志四十餘年闔學扁其門曰節勁松筠

劉氏萬縣人文和典妻年二十二夫病危日夜禱以身代典死遺子甫襁褓氏矢志守節事姑育子備歷艱辛節孝兩全

張氏萬縣人平其安妻年二十四夫亡氏守節歷

三十八載

薛氏萬縣人劉思廉妻年二十五夫亡撫子入庠
苦節二十二年卒

傅氏萬縣人王英妻年二十二守節歷五十三載

廖氏萬縣人丁應寵妻年二十九守節卒年六十
有七

秦氏石砭人諸生馬千藩妻年二十夫亡遺長子

維麟三歲次子良麟甫數月氏立志守貞教維麟

夔州府志

卷之七

貞節

三十七

食餼於庠苦節二十餘年

馬氏石砭人生員譚良存妻良存早亡無子氏苦
節終身

呂氏石砭人把目林正源妻年二十夫亡僅一女

撫育出嫁稱苦節焉

許氏石砭人向文學母夫歿氏年十八文學尚幼

撫養婚娶司人咸感歎云

彭氏石砭人秦輝妻年二十四夫亡父母憐而欲

嫁之氏曰我有子可撫有田可度日敢存他念後
有求娶者父母許之氏聞備香帛至夫墓痛哭遂
自縊而死

匡氏巫山人冉國脩妻年二十四夫卒家道貧寒
翁姑年老氏以針工饋養殯葬盡禮截髮誓志苦
節五十七年教子冉俱入庠乾隆五年建坊旌表
宋氏雲陽人余上仁妻夫亡守節有楚民李廷貴
戲污不從遂自縊死乾隆元年建坊旌表

藥州府志

卷之七

貞節

二十八

羅氏雲陽人王成鸞妻年二十八夫亡氏堅志守
節撫育幼子誓不再適乾隆五年建坊旌表

王氏雲陽人冉自脩妻年三十一夫卒氏孀居自
守撫子成立乾隆五年建坊旌表

白氏雲陽人生員陳聖訓妻夫亡遺腹生子守節
撫子教以義方誓不他適乾隆七年建坊旌表

劉氏奉節人李殿邦妻夫歿承前啟後婦道克全
建坊旌表

曹氏奉節人張彥昇妻夫卒歷盡艱苦其心不貳
守節終身乾隆八年建坊旌表

歐氏奉節人王應壽妻夫亡氏矢志守節甘貧無
怨不渝其操乾隆六年建坊旌表

杜氏萬縣人馬英妻夫亡氏供奉翁姑撫子成立
青年矢志白首完貞請旌在案

譚氏萬縣人杜之章妻夫亡氏奉養翁姑喪葬盡
禮撫孤成立白首完貞請旌在案

夔州府志

卷之七

貞節 三十九

張氏奉節人謝庭萊妻夫卒氏撫孤守節克盡婦
道矢志不渝建坊旌表

龔氏奉節人冉登雲妻夫亡氏苦節自甘孝養翁
姑撫育幼子誓不他適建坊旌表

孫氏奉節人生員王三聘妻夫歿氏矢志撫孤冰
操不易

徐氏奉節人生員余作梅妻夫歿氏志堅松柏歷
艱無怨

余氏奉節人營兵張國輔妻夫溺水身死氏矢志
守節孀居無依親戚逼令改嫁氏知力不能免遂
自縊鄉隣嘆服

吳氏奉節人姚昂妻夫亡氏堅志守節克盡婦道
經三十餘載教子廷夔名列膠庠

王氏雲陽人汪子襄妻夫亡氏誓不他適撫子成
立邑令黃正維額其門曰節孝可風

王氏雲陽人生員梅德輔妻夫卒氏養翁姑撫子

夔州府志

卷之七

貞節 四十

成立知縣杜苞以貞節額其門年七十六卒

邱氏雲陽人李地樽妻夫卒氏清貧自守今經三
十載撫子剛成立入庠

吳氏雲陽人王景妻夫卒氏誓不他適守節二十
一載撫夫前妻之子純謨甚於親生家稱和順

張氏雲陽人貢生徐上廸妻夫亡氏堅志守節撫
子成立其子成名列宮墻

王氏雲陽人饒備妻夫卒氏固節自守誓不他適

袁氏雲陽人生員楊德厚妻夫卒氏矢志守節誓不再適

劉氏雲陽人生員唐俊妻夫亡氏誓不再適永守其節

隱逸

易稱漸陸孤雲野鶴堪誇詩咏老槃植柳流泉可樂隱逸之儔固不自今昉也蓋高人薄富貴碩德輕事功彼其心固自有榮不必華袞腹不必膏粱簡編欲發幽光須紀潛德作隱逸志

唐

常徵君隱居開縣永泰元年秋杜少陵自忠州至雲安徵君來訪之杜有別徵君詩云兒扶猶杖策卧病一秋強白髮少新洗寒衣寬櫛長故人憂覓父此別淚相忘各逐萍流轉來書細作行後又寄之詩有云開州人夏知涼冷不似雲安毒熱新

知徵君開人也

西山人大曆中居夔社少陵題其隱居詩有北山
移文誰勒銘悵望秋天虛翠屏之句則知山人非
終於隱者

宋

王珪萬縣人築室南溪號志堂居士左右植松竹
逍遙其下一時名流喜其高尚榜其居曰竹隱

明

夔州府志

卷之七

隱逸

四十二

補鍋匠不知何許人往來夔慶間爲人補鍋至州
邑不過三日卽去去或復來有欲學補鍋者卽教
之不索謝錢直令負擔從有後學者至卽令先學
者去如是數年人皆識之呼爲老鍋匠或售以錢
布米亦不擇當食時與之食卽不復索錢錢稍稍
積囊中遇風雨寒暑不出補鍋以錢買酒飯自飲
食嘗寄宿蕭寺一日於市中逢馮翁者二人相顧
愕然已而相持哭哭已相牽入山巖中坐語竟日

學補鍋者所不得聞

語已又相持哭且別

去言今永訣不可復

竟莫知所終或曰建

文遺臣王之臣也

馮翁亦不知何許人在夔州以章句教童子給衣

食能為對句及古詩詩尾輒自題馬一子或馬公

或塞馬先生嘗作詩大書壁間云夜夢何奇特龍

飛天漢津朝橫滄海曲夕過瀆池瀆光雫皆五色

蜿蜒無捐鱗淵田變化間張主藉高旻後見補鍋

夔州府志

卷之七

隱逸 四十三

匠歸郎刻去時蓋永樂甲申乙酉間也後亦莫知

所終或曰建文遺臣馮確也

蔡 福字壽夫大昌人貢於太學歸省遂不起事

親法古人溫清之節終無倦志鄉人多愛重之南

溪令路義高其風贈之詩曰少年讀了許多書見

道分明任卷舒贏得身心多散澹從教歲月自居

諸聖賢事業今同古草木功名實若虛羊耳山門

多少地讓君高蹈老樵漁

羅洪先江西人狀元雲遊至巫山寓大昌作王禎
戰馬碑記後往大寧仙人洞不知去向
柳琳巫山人光祿鄉柳英之祖資性純厚循禮
讀書爲庠生當貢心甘恬退遂不出惟吟咏以陶
寫性情鄉人咸重其德後孫顯益食其報焉

向智字德聰巫山人中永樂辛卯鄉試隱居不
仕嘗曰學有未成身有未脩是可憂也潛見何足
介意哉晚陶情於詩夜飲云清香浮竹葉古調落

梅花山居云樹色秋來減泉聲雨後增皆佳句也
胡鸞萬縣人秉性幽雅不樂仕進結室南山之
下自號南山野人邑令楊湜贈之詩云幽人有佳
行不入塵寰中植杖調馴鶴携琴坐古松進士吳
英贈詩云秀聳晴空碧萬重幽人亭子倚南峯遙
看怪石成魚隊洞口雲深有卧龍

牛斗巫山人其祖惠博學不仕斗謙謹與人恂
恂有禮由劍貢入太學後以子朝用時用皆應貢

遂終隱焉處鄉里有貧者多周之邑人高其義給事中曹汭扁其廬曰三山隱趣

胡洪萬縣人字禹錫性至孝嗜文博古築館於西山以教授後學著有四書遵註行於時號遯道人

楊世望雲陽甲午舉人絕意仕進隱居四十餘年足跡不履公府

徐鸞開縣人幼業儒深明易理隱居茆村善卜

夔州府志

卷之七

隱逸

四十五

聞於林大中丞徵入中軍用占休咎出師致勝無不符驗居家制行好禮尚義周濟貧乏之鄉人德之王一驥巫山貢生孝友性成窮年咕嗶萬曆間任廣文不欲遠離老母遂致仕歸隱居樂道居鄉淳謹人咸以善人稱卓有古人之風焉邑令曹晟重其德行屢請鄉飲正賓其母設帨之期驥書堂聯云白髮投烏紗林下霑九天雨露綠衣將壽酒庭前列四代兒孫迨其母亡悲號等於孺慕門聯云

九十老母天下有七旬孝子世間稀年八十餘猶能與少年者角力相讓後至九十有八無病而終其弟廣文一麟孝友亦如之壽亦愈九十邑人莫不仰其德壽云

國朝

沈巨儒字越雞萬縣人幼嗜學好歷名山友名人以詩文自娛明季避亂遂隱於山號西溪野人時總督李國英知其夙學勸之仕不應康熙二十五年

夔州府志

卷之七

隱逸

四十六

年太守吳公許公聘脩郡志

邵庭樾奉節庠生資性聰穎博通經史遭吳譴之變無心仕進惟教授生徒著詩以自娛

易溥字周仲江西人居奉節博洽古今絕意仕進詩古文詞隨筆立就嘗與名友結史社年九十餘而終

僑寓

佳山勝水夔多名區哲士偉人代有賢蹟清風雅

概來游來歌以供嘯傲詩賦名流一草一木盡入
篇章居則山川增輝歿則翰墨生色抗懷高躅磊
落英多憑弔芳踪景行念切作僑寓志

楚

宋 玉爲大夫嘗居巫山作高唐神女二賦托詞
以諷襄王玉爲屈原弟子原沉汨羅玉作招魂以
悲其志太史公曰楚有宋玉唐勒景差之徒皆好
辭而以賦見稱然皆祖屈原以從容辭令終莫敢

夔州府志

卷之七

僑寓

四十七

直諫焉

漢

楊 雄字子雲成都人其父寓巫山生雄及長博
學善屬文與司馬相如先後齊名論者謂鍾十二
峯之秀云

五代

庾子輿新野人性至孝其父守寧蜀卒喪過巴峽
時瞿唐水漲不可行子輿叩天水退數十丈舟既

過水復漲如初行人語曰灩澦如牛本不通瞿唐
水退爲庾公在途有雙雀巢於舟至家又巢於庭
後仕爲尚書郎

唐

杜甫字子美襄陽人少客吳越李邕奇其才天
寶十三載獻大禮賦三篇玄宗奇之使待制集賢
院會祿山亂甫走鳳翔上謁拜左拾遺後棄官去
客秦州又泛江遊嘉戎於永泰元年秋至雲安大

夔州府志

卷之七

僑寓 四十八

曆元年春居夔州府西閣二年春居赤甲夏遷瀼
西秋遷東屯未幾復瀼西三年春去夔至江陵其
居夔詩凡四百餘篇一草一木盡入品題中矣

張九齡左遷荊州大都督長史嘗巡縣屬登臨巫
山有詩

李 白字太白蜀之彰明人嘗遊巫山題咏頗多
白居易字樂天天下邳人貶忠州刺史至夔嘗遊覽
山川之勝故至今有香山寺挹翠亭遺蹟焉宋太

守主梅溪夔路十賢詩云賦咏窮三峽樂天在忠
州苟不以直道亦如元與劉

宋

寇 準萊州人太平興國初知巴東縣嘗賦詩云
野水無人渡孤舟盡日橫識者知其有宰相器愛
夔山水常以公謁之暇徜徉其間又愛溪水清冽
取以烹茗後人建橋溪上名爲相公橋

周惇頤字茂叔號濂溪學者稱濂溪先生雅志林

夔州府志

卷之七

僑寓 四十九

壑不爲世故所窘東凡遊歷所在遇佳山勝水輒
盤桓而忘去留嘉祐元年丙申改太子中舍簽書
合州判官事閱五年庚子解合州任往來皆至夔
流連而不忍去夔之人因有蓮花池太極亭以志
之 夔之山水每爲昔之名流所賞香山寺挹翠
亭乃白居易爲忠州刺史之遺蹟也相公橋寇公
井乃寇萊公爲巴東令之遺蹟也蓮花池太極亭
乃周濂溪爲合州判之遺蹟也賢人所歷其繫如

此

邵雍字堯夫洛陽人遊雲安築演易臺

黃魯直字庭堅豫章人謫居涪州時弟嗣直知巫山縣令因遊玩夔巫之勝多有記咏王梅溪夔路十賢詩云豫章官逸適直筆非謗史天遣來涪黔詩名配子美

明

宋濂字景濂金華人事太祖高皇帝為翰林學

夔州府志

卷之七

僑寓 五十

士凡一代禮樂制度典章文物多出其所裁定上嘗以純臣稱之又呼為先生而不名後孫慎得罪被刑公安置茂州居夔而卒

余郁字公文浙江淳安人為監察御史廉介公直以事謫於夔築竹坡以居澹然自適後卒子孫籍奉節

陳良翰字景紳羅江人王德中由主事謫戍瞿唐張翀字習之潼川人有風節嘉靖中以議大禮

謫戍瞿唐

楊 名字公實號芳州遂寧人有文章氣節以直
言忤旨謫戍瞿唐多所著咏嘗脩大昌縣志又與
楊太史慎脩省志號稱博洽云

來知德字矣鮮高粱人性至孝中隆慶年間鄉試
赴春闈不第遂焚其引臂銘願學孔子四字居萬
縣南山之虬溪悟易圖像潛心二十八年不避寒
暑發明先聖及關閩濂洛諸微旨著有易經集註

夔州府志

卷之七

僑寓

五十一

行世學者至今稱來夫子

文安之號鐵菴天啟年間翰林崇禎年任國子監
祭酒及流寇猖獗安之避亂入蜀僑寓萬縣每日
閉戶正襟危坐焚香讀書不與世事卒

馳封

朝廷禮士封典爲先人子報親顯揚宜重夔屬貴
紳宦族代不乏人其恭膺

新綸者接踵而起歷採馳封序而列之使睹斯制者庶

知所以光前裕後之道以仰答

龍章寵錫之恩而不徒為章服尊榮已也作馳封志

明

黃 銘雲陽人成化中以子以春貴封奉直大夫

刑部員外郎

汪 中開縣人弘治中以子瀚貴贈承德郎南京

太僕寺丞

王景先雲陽人以子彥奇貴封奉直大夫南京戶

夔州府志

卷之七

馳封

五十二

部員外郎

梅 芳奉節人以子茂貴封西城兵馬進階文林

郎

李 武瞿唐人以子道貴封南城兵馬進階文林

郎

王 珍巫山人以子鳴鳳貴贈大理寺評事

柳 琳巫山人以孫英貴贈中大夫河東陝西都

轉運使

柳茂株 巫山人以子英貴贈中大夫河東陝西都

轉運使

黃文相 雲陽人以子封貴封承德郎兵部職方清

吏司主事

李 密 瞿唐人以子時貴贈奉直大夫戶部江西

清吏司員外郎

晏 芳 大昌人以子永高貴贈徵仕郎河南布政

司理問

藥州府志

卷之七

贈封

五十三

傅 冠 萬縣人以子時望貴封承德郎戶部雲南

清吏司主事

邵 意 奉節人以子仲祿貴封承德郎戶部陝西

清吏司主事

國朝

吳 尚 萬縣人以孫第選貴贈通議大夫頭等下

吳 登 高萬縣人以子第選貴贈通議大夫頭等下

程 耀 萬縣人以子正性貴封奉直大夫河南

德府睢州知州

傅汝和奉節人以子作楫任良鄉知縣贈文林郎
後又以子陞御史贈承德郎

譚獻策奉節人以子譚貴封奉直大夫刑部山東
司額外主事

王明道奉節人以子良弼貴贈文林郎湖南永州
府寧遠縣知縣

曾學聖奉節人以子三元貴贈明威將軍直隸獨

夔州府志

卷之七

馳封

五十四

石協副將中軍都司

李友德奉節人封昭勇將軍四川重慶鎮標左營
遊擊

余文昇開縣人以子成中貴贈脩職郎成都府內

江縣教諭

楊芳開縣人以子作棟貴贈登仕郎重慶府大

足縣訓導

卽氏葛人以其弟選貴贈淑人

陳氏萬縣人以子吳第選貴贈淑人

周氏萬縣人以夫吳第選貴贈淑人

喻氏萬縣人以子程正性貴贈宜人

譚氏萬縣人以夫程正性貴贈宜人

向氏奉節人以子傅作楫貴贈安人

楊氏奉節人以夫傅作楫貴贈安人

汪氏奉節人以子譚譯貴贈宜人

冉氏奉節人以子譚譯貴贈宜人

夔州府志

卷之七

地封

五十五

孫氏奉節人以夫譚譯貴封宜人

徐氏奉節人以子王良弼貴封孺人

張氏奉節人以夫王良弼貴封孺人

譚氏奉節人以夫王良弼貴封孺人

杜氏奉節人以子會三元貴封恭人

李氏奉節人以夫會三元貴封恭人

解氏奉節人以夫李友德貴贈淑人

曾氏開縣人以子余成中貴贈孺人

廖氏開縣人以子楊作棟貴贈孺人

僊釋

李耳長生曾賢過化僊釋之傳由來已久宗其教者有利濟感通之說闢其道者有虛無寂滅之譏不經之事雖不可憑而紀異之書代所恒有則夫存其姓字著其事實非以示法也惟在主持世教者因其明而使歸於正乘其異以漸反於常耳作

僊釋志

夔州府志

卷之七

僊釋

五十六

神女按集仙錄云雲華夫人王母第二十二女名瑤姬受鍊神飛化之道常東海遊還過巫峽時大禹理水駐山下因與夫人相值拜而求助即敕侍女授禹策召神鬼之書因命其神往章虞餘黃龐大醫庚神童律等助禹斷石疏波以循其流禹拜而謝焉因佐禹治水肖像廟中蓋治水有大功之正神也

翟法言漢時雲陽人嘗詣棲霞宮採藥得道能

澗神

楊雲外漢時雲陽人與法言相繼得道於棲霞宮
岑公江陵人隋末避亂於萬縣愛龕巖遂於南岸
洞內居之片衣粒米悉無所營晏坐二十餘年兀然
逝去熙寧十年夏五月大旱禱祝於公即日大雨
一境霽足刺史表其事天子嘉之贈虛鑒真人

張道清字得一巫山人母王氏感異夢而孕朱紹
興六年丙辰五月二十日毓於青牛山舍紫氣騰

夔州府志

卷之七

僊釋 五十七

空遠近以爲異及長建性命禍福或數日不食一
日入山半旬不返人往覘之見卧嵩中有兩虎踞
側里人驚之又一日寢覺告母曰適徃女兒吳家
方歸伊以絲履果食來獻翌日果然自後靈蹟屢
著開禧二年七月五日鳴鼓陞座作頌諭衆端坐
而蛻

黃萬護巫山道士常以符藥救人蜀主王建召之
鋪草薦於水面沂流而上一日至成都

王玉峰不知何許人非釋非道萬曆年間居羊耳山脩道以符水救人病至巫山士庶爭敬之臨去有柳監生者求遺蹟乃燒爐火取磚半塊頃刻鍊成白金仍畱一角未化與之尋至夔郡人皆尊禮之太守以爲妖拘責之守遂大小便不通旋求玉峰乃愈後移建始縣居石通洞數載莫知所之果子和尚江西吉安府人能咒果以治病因朝海過巫士民畱之遂脩秀峰寺直指陳公右手病不能舉食其咒果而痊主簿韓達有心疾亦以咒果療之俱樹碑於寺以表之生於洪武卒於弘治壽一百二十七歲

蘇子和尚明時巫山人結庵山中日食麥麩及滅後庵中無燈而自光者二年

如意和尚不通宗教苦行真誠萬曆年間募脩朝陽洞匠需綿絮時有客壞州晒絮江邊暴雨將至客曰爾能止雨絮聽爾取意向雨一拜其雨即返

人咸異之後土人肖像祀之禱雨卽應

張三峯國初時人嘗寓雲陽棲霞宮下山騎虎至
今有繫虎石遺蹟三峯與奉節城西開元寺僧廣
海善寓居於寺者七日臨別贈詩云深入浮屠斷
世情奢摩頭陀恰相應天花隱隱呈微瑞風葉琅
琅詠大乘密室書開雲作蓋空亭夜靜月爲燈二
消影散無何有到此誰能見老僧金甌草履一雙
沉香二觔而去後海以詩及一物獻之文皇答賜

夔州府志

卷之七

僊釋

五十九

寺觀
玉環一枚千佛袈裟一領今猶置寺中稱世寶云

寺以奉釋教緇流居之觀以奉僊真羽客居之其
與有功德於民立主繪像以享之謂之祠廟者不
侔矣然先王神道設教使愚夫愚婦人廟思敬則
遷善悔過於不自知亦化導人心之一助也况田
單以神師敗卽墨李允以浮屠佐邊籌事勿執一
顧用之何如耳作寺觀志

夔州府

奉節縣

附郭

開元寺

在城西唐開元二十六年建明初御賜西川第一山金字坊永樂間重脩康熙六年

知府熊夢

鶴增脩

咸平寺

宋咸平中建後名太平寺

海會寺

在縣西一里明萬曆四十二年監生李維屏生員李維翰脩建

顯道觀

在城西明洪武初設道紀司

華嚴庵

在縣北二里明萬曆三十一年脩建

夔州府志

卷之七

寺觀

六十

化龍宮

在咸平寺左

香山寺

在麝香山上

白帝寺

後改爲明良殿

龍橋寺

在縣東南十里

降龍寺

在縣西北二十里三臺山上

高貞觀

在蓮花池之下今名二郎廟

鳳仙觀

在縣北三十里

聖水寺

一在東北八里一在西南九十里

龍興寺 在縣西

龍潭寺 在縣北一
百里有池

真慶觀 在關
城內

白雲寺 在縣北李白有
詩刻懸崖間

玉皇閣 城內東
南隅

水府宮 治西
二里

觀音寺 治東北
八里

卧龍寺 治東南
三十里

夔州府志 卷之七

寺觀 六

鐵瓦寺 香山寺
後五里

二臺觀 西北二十里
三臺山上

巫山縣

峯崇寺 城內東北
郎僧會司

秀峯寺 治東北五里有二塔
山巒環拱樹木蔚秀

觀音閣 城內
西北

廣福寺 西門外有
石塔今廢

凌雲觀 治東筵篔
山頂今廢

高唐觀

治西山頂上宋玉賦高唐即此

朝元觀

治東五里

玉皇閣

治西二里

南林觀

治南十五里高山之上

迎水觀

治西南三十里

龍臺觀

治東三十里

鳳凰觀

治北五十里

金池庵

治西南十里

夔州府志

卷之七

寺觀

六

水月庵

西南城外

曾濟寺

在昌江渡口明成化中知縣錢潤重脩

百果寺

大昌東二十里白沙坡上有古峯觀

雲臺寺

大昌南一里來龍山有天公石像禱雨多應下有龍池亦登眺之奇勝也

崇林寺

大昌南三十里高山之上

廻龍寺

大昌西南三十里龍落坪

雲陽縣

慧目寺

治西洪武九年建

集靈觀 治西四
十里

棲霞宮 治北十五里
宋景德初建

滴水寺 治北三
十里

下巖寺 治西四
十里

上巖寺 治西五
十里

朝陽洞 治南三
十里

觀音寺 治東南
三十里

曾賢寺 在東
讓口

夔州府志 卷之七

萬縣

廣濟寺 治
西

白鶴寺 治西一百
三十里

羅漢寺 治西二
里有洞

北山寺 治北
二里

集虛觀 治北有唐垂
拱時碑文

木樨觀 治西一百
二十里

鐵鳳山觀 治北四十里崇岡峻壁觀
前僅通線路旁有鐵基

寺觀 本三

元天觀 治北二
十里

地靈觀 治東三
十里

黃金觀 治東
十里

西山觀 治西
三里

萬壽寺 治西
二里

五顯廟 治西
一里

開縣

大覺寺 治北二里
郎僧會司

夔州府志 卷之七

寺觀 六十四

三教寺 治北二
十里

神仙寺 治南二
十里

太清觀 治南明永樂
六年重脩

觀音堂 治西
十里

佛會寺 治西四
十里

廣福寺 治西四
十里

碧雲寺 治西五
十里

白雲寺 治西五
十里

雙城寺 治西四
十里

道林寺 治西四
十里

善繼庵 治西五
十里

普光寺 治西十
五里

普濟寺 治西六
十五里

毘盧寺 治東
五里

報國寺 治東十
五里

西林寺 治西八
十里

夔州府志 卷之七

寶佛寺 治西八
十里

天宮堂 治西九
十里

圓通寺 治東八
十里

傳燈寺 治東七
十里

寶勝寺 治南九
十里

福壽庵 治南一百
二十里

朝天觀 治南八
十里

三元庵 治南一
百里

寺觀 六十五

大寧縣

天寧寺

治西

藥壚觀

治北七十里

觀音寺

宗袍寺

雲臺觀

峯靈觀

白雲觀

夔州府志

卷之七

寺觀

六十六

石碇司

三教寺

司東五里

古樓寺

司南二里

塋墓

豪傑之士勳業堪傳道德之儒著述足紀考古者亦惟於言行求之何必於荒烟蔓草中而吊陳搏之骨哉然昔賢在哲其身已歿其名猶存自世之下思慕其人未有不望塋而深知存之感者夔自

楚襄王之墓而下其英爽皆足以流映山川其芳休
皆足以昭宣來禩所當蒸樵採而崇封樹也作塋

墓志

楚襄王墓

在巫山縣
東楚宮前

漢甘皇后墓

在府治後即昭
烈皇后甘氏也

扶嘉墓

在雲安場湯溪之側
湯溪即今塩井溝

唐都給事中張滂墓

巫山縣橋子
溪傍有碑

孔目孫浦墓

大通年塋於巫
山縣峯崇寺前

夔州府志

卷之七

塋墓

六十七

李遠墓

雲陽縣
五峯前

冉仁才墓

浦州刺史塋武寧
舊縣即今萬縣也

宋邵嗣翁墓

在雲安場
演易臺前

尚書李應鳳墓

雲陽縣西紹
興中進士

孝子王文義母墓

巫山縣孝
感泉旁

明少司馬邵仲祿墓

在香山
寺下

御史余郁墓

在府城西半里
許詳見僑寓志

太守嚴觀民墓

承樂間任夔
卒塋於盛山

皇清

都察院右副都御史

傅作楫墓

在府城西三里聖泉書院內

皇清進士

刑部福建司主事

譚譯墓

在府城西南六十里

夔州府志

卷之七

塋墓

六十八

夔州府志卷之七終

